

Parlamentsdienste

Services du Parlement

Servizi del Parlamento

Servetschs dal parlament



11-11-
2022

REGLAS PER L'ACCESS

- Las personas annunziadas vegnan supplitgadas da cumparair almain 30 minutas avant il cumenzament da l'occorrenza a l'entrada da visitaders (vart da la Terrassa federala) per la controlla obligatorica d'identitad e da segirezza. Personas en sutga cun rodas u cun rollatur prendan l'entrada da la vart da la Piazza federala. Per plaschair scalar.
- Il mument da l'entrada sto il bigliet vegnir preschentà (en furma stampada u sin il smartphone/tablet) al persunal da segirezza. Entrar pon mo tantas personas, sco quai ch'i èn inditgadas sin il bigliet. Per personas che arrivon memia tard n'è l'access betg pli pussaivel.
- Personas sur 16 onns vegnan suttamessas ad ina controlla d'identitad e ston preschentar in document d'identitad uffizial al persunal da segirezza. Sco documents d'identitad uffizials valaivels cun fotografia valan: passaport, carta d'identitad (da la Svizra e dals pajais da la UE), permiss da manischar (da la Svizra e dals pajais da la UE), document da legitimaziun svizzer da personas estras. Lura suonda ina controlla tecnica da segirezza cun agid d'in detectur da metal per personas e d'ina radiografia per chaussas prendidas cun sai.
- Igl è scumandà en general da prender cun sai substanzas liquidas. Exceptads da quest scumond èn medicaments necessaris sco er nutriment da pops e nutriment spezial.
- Mintga persona dastga prender cun sai in toc bagascha cun las suandantas mesiras maximalas: lunghezza 41 cm x ladezza 31 cm x autezza 10 cm
Sin las tribunas dal Cussegl naziunal e dal Cussegl dals chantuns èsi scumandà da prender bagascha. Chaschas per bagascha stattan a disposiziun en l'entrada da visitaders (suenter la controlla da segirezza).
- En l'edifici dal parlament dastgan mo vegnir prendidas charrotschas d'uffants plegablas che van tras la porta girabla.
- Per la visita da l'edifici dal parlament vegn spetgada vestgadira adeguata ed in cumportament correct.
- En l'edifici dastgan ins fotografar (senza chametg). Filmar è scumandà. Igl è scumandà da fotografar e da filmar giu da las tribunas. Telefonins ston vegnir deaktivads.